

Lán Lâi Pháucháu Thâuchêng ê Lōthêng

12 Kijian lán ê chiuûi ū hiah chē kiànchêngjîn, lán tiòh pànghā itchhè ê tângtàⁿ, íkip iôngī kā lán tîⁿpòàⁿ ê chōe, kianjím pháucháu lán thâuchêng ê lōthêng. 2 Lán tiòh chùsîn khòaⁿ Iésu, I sī lán sìngióng ê sianhêngchiá kah sêngchoân chiá; I ūi tiòh pài tī I bīnchêng ê hílòk, tòh biásū lêngjiòk, jímsiū sípjìkè téng ê khóilān, taⁿ I chē tī SiōngChú póchō ê chiàⁿ pêng.

Ànchiàu Kílut Lâi Pháucháu

3 Lín tiòh siàuliām I sī ánocháⁿ teh jímsiū chōejîn tùi I ê hênggék, biántit lín iàsiān sitchì. 4 Lín kah chōeok chengtàu, kàu taⁿ iáubōe tíkhòng kàu láuhohē ê thêngtō. 5 Jíchhiáⁿ lín íkeng bē kítit SiōngChú kā lín tòngchò kiáⁿ lâi khoànbian lín ê òe áne kóng:

Góa ê kiáⁿ, Chú ê koánkà m̄ thang khòaⁿkhin,

hō I chekpī m̄ thang sitchì

6 Inūi Chú koánkà I só thiáⁿ ê,

pīnphah I só chiapláp ê múi chítê kiáⁿ jī³⁴

7 Lín tiòh jímsiū koánkà, inūi SiōngChú tuihāi lín chinchhiūⁿ kiáⁿjī. Kám ū kiáⁿjī bô siū pēbú ê koánkà? 8 Lín nā bô kah kītha ê kiáⁿjī kàngkhoán siū koánkà, lín tòh sī susengchú, m̄ sī chinchhiāⁿ ê kiáⁿjī. 9 Hôhòng, lán sèkan ê pēbú nā kā lán koánkà, in ū tit tiòh lán ê chuntiōng, áne, tùi siòk lêng ê ThiⁿPē, lán kám m̄ sī koh khah tiòh sūnhók I lâi tit tiòh sèⁿmiā? 10 Sèkan ê pēbú chiàu in kakī ê ìsù kā lán koánkà chít tōaⁿ téchiām ê sīkan; m̄ koh SiōngChú ê koánkà sī beh hō lán tit tiòh līek, hō lán thang hunhióng I ê sèngkiat. 11 Lán tak pái siū koánkà ê sī, kahná

咱來跑走頭前 ê 路程

12 既然咱 ê 周圍有 hiah chē 見證人，咱 tiòh 放下一切 ê 重擔，以及容易 kā 咱 纏絆 ê 罪，堅忍跑走咱頭前 ê 路程。2 咱 tiòh 注神看耶穌，祂是咱信仰 ê 先行者 kah 成全者；祂為 tiòh 排 tī 祂面前 ê 喜樂，tòh 藐視凌辱，忍受十字架頂 ê 苦難，taⁿ 祂坐 tī 上主寶座 ê 正 pêng。

按照紀律來跑走

3 Lín tiòh siào 念祂是 án 怎 teh 忍受罪人對 祂 ê 橫逆，免得 lín 厭倦失志。4 Lín kah 罪惡爭鬥，到 taⁿ iáu 未抵抗到流血 ê 程度。5 而且 lín 已經 bē 記得上主 kā lín 當做 kiáⁿ 來勸勉 lín ê 話 áne 講：

我 ê kiáⁿ，主 ê 管教 m̄ thang 看輕，

hō 祂責備 m̄ thang 失志。

6 因為主管教祂所疼 ê，

鞭 phah 祂所接納 ê 每一個 kiáⁿ 兒³⁴。

7 Lín tiòh 忍受管教，因為上主對待 lín 親像 kiáⁿ 兒。Kám 有 kiáⁿ 兒無受父母 ê 管教？8 Lín 若無 kah 其他 ê kiáⁿ 兒全款受管教，lín tòh 是私生子，m̄ 是真正 ê kiáⁿ 兒。9 何況，咱世間 ê 父母若 kā 咱管教，in 有得 tiòh 咱 ê 尊重，áne，對屬靈 ê 天父，咱 kám m̄ 是 koh khah tiòh 順服 祂來得 tiòh 性命？10 世間 ê 父母照 in kakī ê 意思 kā 咱管教一段短暫 ê 時間；m̄ koh 上主 ê 管教是 beh hō 咱得 tiòh 利益，hō 咱 thang 分享 祂 ê 聖潔。11 咱 tak pái 受管教 ê 時，kahná lóng bē 感受 tiòh 喜樂，顛倒是憂悶艱苦；m̄ koh，後來 hiahê 經過管教鍛鍊 ê 人，in ē 結出平安 ê

³⁴ ChG 3:11-12

³⁴ 箴 3:11-12

lóng bē kámsiū tiòh hílók, tiantò sī iubūn kankhó; m̄ koh, āulāi hiahê kengkòe koánkà toànlīan ê lâng, in ē kiatchhut pêngan ê kóechí, kòe konggī ê sengoáh.

Kàsī kah Kéngkài

12 Sói, lín chiahe khasng chiúnng ê lâng tiòh hō khachhiú íongkiāⁿ kí lāi. *13* Tiòh ūi lín ê kha siutit tōlō, biántit hō páikha ê lâng khakut thútłún, tiantò ē tit tiòh i hó.

14 Tiòh lólék kah chéngláng hōbók chòhóe, kòe sèngkiat ê sengoáh; nā bō sèngkiat, tòh bō láng ē tàng kìⁿ tiòh Chú. *15* Tiòh kínsīn, biántit ū láng sitkhì SiōngChú ê intián, mā biántit ū tókchháu hoatchhut lāi, hō chin chē láng siū tiòh ùjiám. *16* Tiòh kínsīn, biántit ū láng ímloān, á sī chhinchhiūⁿ Esáu kàngkhoán bō kèngkhián, ū tiòh chit tiám'á chiáhmih, tòh chhutbē i tōa kiáⁿ ê miáhūn. *17* Chiàu lín só chai, āulāi, tng i siūⁿ beh niásiū chiokhok ê sí, khiok pī kíchoát; sujiân i lâu baksái, pekchhiat kíkū, íausī bē tàng káipiàn kakī íkeng chòkòe ê itchè.

Thiⁿténg ê Êlúsalem ê Chèpài

18 Lín bō chhinchhiūⁿ Isulael lâng, lāi kàu bong ē tiòh ê Senāi Soaⁿ; tī hia ū liáthóe, bāthūn, òam kah pòkhong, *19* koh ū kóchhoe ê hiángsiaⁿ kah kóngōe ê siaⁿ; thiaⁿ tiòh chiahe ê siaⁿ ê láng lóng khúnkiū SiōngChú, mài koh tui in kóng òe, *20* inūi in bē tàng jímsiū hitê hoanhù in ê bēnglēng kóng: **Liân cháusiū nā kháp tiòh soaⁿ, mā tiòh iōng chiòhthau kā i timsi³⁵** *21* Hitê kéngsiōng sī chiok ē hōláng kiaⁿhiánⁿ ê, tìsú Mōse kóng, “Góa kiaⁿ kah phihphih choah.”

22 M̄ koh, lín sī lāi kàu Sión soaⁿ, sī lāi kàu éngseng SiōngChú ê siáⁿ, iā tòh sī thiⁿténg ê Êlúsalem, mā lāi kàu chhengchheng bānbān ê

果 chí, 過公義 ê 生活。

教示 kah 警戒

12 所以，lín chiahe 腳酸手軟 ê 人 tiòh hō 腳手勇健起來。 *13* Tiòh 為 lín ê 腳修直道路，免得 hō 跛腳 ê 人腳骨 thútłún，顛倒 ē 得 tiòh 醫好。

14 Tiòh 努力 kah 眾人和睦做伙，過聖潔 ê 生活；若無聖潔，tòh 無人 ē tàng 見 tiòh 主。 *15* Tiòh 謹慎，免得有人失去上主 ê 恩典，mā 免得有毒草發出來，hō 真 chē 人受 tiòh 污染。 *16* Tiòh 謹慎，免得有人淫亂，á 是親像以掃全款無敬虔，為 tiòh 一點 á 食物，tòh 出賣伊大 kiáⁿ ê 名分。 *17* 照 lín 所知，後來，當伊想 beh 領受祝福 ê 時，卻被拒絕；雖然伊流目屎，迫切祈求，iáu 是 bē tàng 改變 kakī 已經做過 ê 一切。

天頂 ê 耶路撒冷 ê 祭拜

18 Lín 無親像以色列人，來到摸 ē tiòh ê 西奈山；tī hia 有烈火、密雲、烏暗 kah 暴風， *19* koh 有鼓吹 ê 響聲 kah 講話 ê 聲；聽 tiòh chiahe ê 人 lóng 懇求上主，mài koh 對 in 講話， *20* 因為 in bē tàng 忍受 hitê 吩咐 in ê 命令講：連走獸若 kháp tiòh 山，mā tiòh 用石頭 kā 牠 tìm 死 ³⁵。 *21* Hitê 景象是 chiok ē hōláng 驚惶 ê，致使摩西講：「我驚 kah phihphih choah。」

22 M̄ koh, lín 是來到錫安山，是來到永生上主 ê 城，也 tòh 是天頂 ê 耶路撒冷，mā 來到千千萬萬 ê 天使面前； *23* lín 是來到上主 ê 大 kiáⁿ

³⁵ CAG 19:12-13

³⁵ 出 19:12-13

thiⁿsài bīnchêng; 23 lín sī lâi kàu SiōngChú ê tōa kiáⁿ chūchíp ê sóchāi, in ê miâ íkeng tengkì tī thiⁿténg; lín sī lâi kàu símphòⁿ bānbīn ê SiōngChú bīnchêng, mā lâi kàu íkeng tátkàu oânchoân ê gīlâng ê lêngghūn hia; 24 lín sī lâi kàu Siniok ê tiongpó — lésu ê bīnchêng, mā lâi kàu l só lâu ê hoeh hia; chitê hoeh pí Abel ê hoeh só beh thoânkáng ê koh khah hó.

25 Lín tiòh kínsin, m̄ thang kīchoát teh tùi lín kóng oe ê Hit Ūi. Inūi hiahê kīchoát Hit Ūi tī tēchiūⁿ tùi in kékngkài ê, to bē tàng tôsiám chekhoát, hôhông lán chiahê kīchoát Hit Ūi tùi thiⁿténg lâi kékngkài lán ê, kám m̄ sī koh khah bē tàng tôsiám? 26 Hit sī, l ê siaⁿ hō tē iôtāng, m̄ koh, taⁿ l ū èngún kóng, **Góa m̄ nā beh koh chit pái hō tē iôtāng, mā beh hō thiⁿ iôtāng**³⁶ 27 Hit kù “koh chit pái” sī chíbêng hiahê ē siū iôtāng ê siūchōbút beh koh siū iôtāng, mā siū ítú, thang hō hiahê bô siū iôtāng ê ē tàng liúchūn.

28 Sói, lán tiòh sim chūn kámsiā, inūi lán ū tit tiòh hitê bē iôtāng ê koktō. Lán tiòh chiàu SiōngChú só hoaⁿhí ê, ēng khiânsêng kah kèngùi ê sim lâi hòksāi SiōngChú, 29 inūi lán ê SiōngChú sī húibiát ê liáthóe.

聚集 ê 所在, in ê 名已經登記 tī 天頂; lín 是來到審判萬民 ê 上主面前, mā 來到已經達到完全 ê 義人 ê 靈魂 hia; 24 lín 是來到新約 ê 中保—耶穌 ê 面前, mā 來到祂所流 ê 血 hia; chitê 血比亞伯 ê 血所 beh 傳講 ê koh khah 好。

25 Lín tiòh 謹慎, m̄ thang 拒絕 teh 對 lín 講話 ê Hit 位。因為 hiahê 拒絕 Hit 位 tī 地 chiūⁿ 對 in 警戒 ê, 都 bē tàng 逃閃責罰, 何況咱 chiahê 拒絕 Hit 位 tùi 天頂來警戒咱 ê, kám m̄ 是 koh khah bē tàng 逃閃? 26 Hit 時, 祂 ê 聲 hō 地搖動, m̄ koh, taⁿ 祂有應允講: 我 m̄ nā beh koh 一 pái hō 地搖動, mā beh hō 天搖動³⁶。27 Hit 句「koh 一 pái」是指明 hiahê ē 受搖動 ê 受造物 beh koh 受搖動, mā 受移除, thang hō hiahê 無受搖動 ê ē tàng 留存。

28 所以, 咱 tiòh 心存感謝, 因為咱有得 tiòh hitê bē 搖動 ê 國度。咱 tiòh 照上主所歡喜 ê, 用虔誠 kah 敬畏 ê 心來服事上主, 29 因為咱 ê 上主是毀滅 ê 烈火。

³⁶ HGS 2:6

³⁶ 該 2:6